

尔時善財童子即登刀山自投火聚未

至中間即得菩薩喜住三昧纏觸火燄

又得菩薩寂靜樂神通三昧善財白言

甚奇聖者如是刀山及大火聚我身觸

時安隱快樂時婆羅門告善財言善男

子我唯得此菩薩無盡輪解脫如諸菩

薩摩訶薩大功德燄能燒一切衆生見

惑今無有餘必不退轉無窮盡心無懈

怠心無法弱心發如金剛藏那羅延心

疾修諸行無遲緩心願如風輪普持一

切精進大誓皆無退轉而我云何能知

能說彼功德行善男子於此南方有城

名師子奮迅中有童女名曰慈行汝詣

彼問菩薩云何學菩薩行修菩薩道時

善財童子頂禮其足繞無數而辭退而去

## 大方廣佛華嚴經卷第六十四

### 大方廣佛華嚴經卷第六十五

于闐國三藏沙門實叉難陀譯

#### 入法界品第三十九之六

爾時善財童子於善知識所起最極尊  
重心生廣大清淨解常念大乘專求佛  
智願見諸佛觀法境界無障礙智常現  
在前決定了知諸法實際常住際一切  
三世諸刹那際如虛空際無二際一切  
法無分別際一切義無障礙際一切劫  
無失壞際一切如來無際之際於一切

佛心無分別破衆想網離諸執著不取  
諸佛衆會道場亦不取佛清淨國土知  
諸衆生皆無有我知一切聲悉皆如響  
知一切色悉皆如影漸次南行至師子  
奮迅城周徧推求慈行童女聞此童女  
是師子幢王女五百童女以爲侍從住  
毗盧遮那藏殿於龍勝栴檀足金線網  
天衣座上而說妙法善財聞已詣王宮  
門求見彼女見無量衆來入宮中善財  
問言諸人今者何所往詣咸報之言我  
等欲詣慈行童女聽受妙法善財童子  
即作是念此王宮門既無限礙我亦應  
入善財入已見毗盧遮那藏殿頗梨爲  
地瑠璃爲柱金剛爲壁間浮燈金以爲  
垣牆百千光明而爲牕牖阿僧祇摩尼

寶而莊校之寶貯藏摩尼鏡周而莊嚴以  
世間最上摩尼寶而爲莊飾無數寶網  
羅覆其上百千金鈴出妙音聲有如是  
等不可思議衆寶嚴飾其慈行童女皮  
膚金色眼紺紫色髮紺青色以梵音聲  
而演說法善財見已頂礼其足繞無數  
市合掌前住作如是言聖者我已先發  
阿耨多羅三藐三菩提心而未知菩薩  
云何學菩薩行云何修菩薩道我聞聖  
者善能誘誨願爲我說時慈行童女告  
善財言善男子汝應觀我宮殿莊嚴善  
財頂礼周徧觀察見二壁中一一柱中一  
一鏡中一一相中一一形中一一摩尼寶中  
一一莊嚴具中一一金鈴中一一寶樹中  
一一寶形像中一一寶瓔珞中悉見法界

一切如來從初發心倦菩薩行成滿大願具足功德成等正覺轉妙法輪乃至示現入於涅槃如是影像靡不皆現如淨水中普見虛空日月星宿所有衆像如此皆是慈行童女過去世中善根之力爾時善財童子憶念所見諸佛之相合掌瞻仰慈行童女爾時童女告善財言善男子此是般若波羅蜜普莊嚴門我於三十六恒河沙佛所求得此法彼諸如來各以異門令我入此般若波羅蜜普莊嚴門一佛所演餘不重說善財白言聖者此般若波羅蜜普莊嚴門境界云何童女答言善男子我入此般若波羅蜜普莊嚴門隨願趣向思惟觀察憶持分別時得普門陀羅尼百萬阿僧祇

陀羅尼門皆悉現前所謂佛刹陀羅尼門佛陀羅尼門法陀羅尼門衆生陀羅尼門過去陀羅尼門未來陀羅尼門現在陀羅尼門常住際陀羅尼門福德陀羅尼門福德助道具陀羅尼門智慧陀羅尼門智慧助道具陀羅尼門諸願陀羅尼門分別諸願陀羅尼門集諸行陀羅尼門清淨行陀羅尼門圓滿行陀羅尼門業陀羅尼門業不失壞陀羅尼門捨業流注陀羅尼門業所作陀羅尼門捨離惡業陀羅尼門修習正業陀羅尼門業自在陀羅尼門善行陀羅尼門持善行陀羅尼門三昧陀羅尼門隨順三昧陀羅尼門觀察三昧陀羅尼門三昧境界陀羅尼門從三昧起陀羅尼門神通

陀羅尼門心海陀羅尼門種種心陀羅尼門直心陀羅尼門照心稠林陀羅尼門調心清淨陀羅尼門知衆生所從生門調心清淨陀羅尼門知衆生所從生陀羅尼門知衆生煩惱行陀羅尼門知煩惱習氣陀羅尼門知煩惱方便陀羅尼門知衆生解陀羅尼門知衆生行陀羅尼門知衆生行不同陀羅尼門知衆生想陀羅尼門知衆生欲陀羅尼門知衆生性陀羅尼門普見十方陀羅尼門說法陀羅尼門大悲陀羅尼門大慈陀羅尼門寂靜陀羅尼門言語道陀羅尼門方便非方便陀羅尼門隨順陀羅尼門差別陀羅尼門普入陀羅尼門無礙際陀羅尼門普偏陀羅尼門佛法陀羅尼門菩薩法陀羅尼門聲聞法陀羅尼

門獨覺法陀羅尼門世間法陀羅尼門世界成陀羅尼門世界壞陀羅尼門世界住陀羅尼門淨世界陀羅尼門垢世界陀羅尼門於垢世界現淨陀羅尼門於淨世界現垢陀羅尼門純垢世界陀羅尼門純淨世界陀羅尼門平坦世界陀羅尼門不平坦世界陀羅尼門覆世界陀羅尼門因陀羅納世界陀羅尼門世界轉陀羅尼門知依想住陀羅尼門細入麁陀羅尼門麁入細陀羅尼門見諸佛陀羅尼門分別佛身陀羅尼門光明莊嚴納陀羅尼門佛圓滿音陀羅尼門佛法輪陀羅尼門成就佛法輪陀光明莊嚴納陀羅尼門佛圓滿音陀羅尼門佛法輪陀羅尼門成就佛法輪陀光明莊嚴納陀羅尼門佛圓滿音陀羅尼門佛法輪陀羅尼門無差別

門轉佛法輪陀羅尼門能作佛事陀羅尼門分別佛衆會陀羅尼門入佛衆會海陀羅尼門普照佛力陀羅尼門諸佛三昧陀羅尼門諸佛三昧自在用陀羅尼門諸佛所住陀羅尼門諸佛所持陀羅尼門諸佛變化陀羅尼門佛知衆生心行陀羅尼門諸佛神通變現陀羅尼門住兜率天宮乃至示現入于涅槃陀羅尼門利益無量衆生陀羅尼門入甚深法陀羅尼門入微妙法陀羅尼門菩提心陀羅尼門起菩提心陀羅尼門助菩提心陀羅尼門諸願陀羅尼門諸陀羅尼門神通陀羅尼門出離陀羅尼門懃持清淨陀羅尼門智輪清淨陀羅尼門智慧清淨陀羅尼門菩提無量陀

羅尼門自心清淨陀羅尼門善男子我唯知此般若波羅密普莊嚴門如諸菩薩摩訶薩其心廣大等虛空界入於法界福德成滿住出世法遠世間行智眼無習普觀法界慧心廣大猶如虛空一切境界悉皆明見獲無礙地大光明藏能分別一切法義行於世行不染世間依止普知一切衆生心行隨其所應而爲說法於一切時恒得自在而我云何能知能說彼功德行善男子於此南方有一國土名爲三眼彼有此丘名曰善見汝詣彼問菩薩云何學菩薩行修菩薩道時善財童子頂礼其足繞無數帀戀慕瞻仰辭退而行尔時善財童子思惟菩

薩所住行甚深思惟菩薩所證法甚深  
思惟菩薩所入處甚深思惟衆生微細  
智甚深思惟世間依想住甚深思惟衆  
生所作行甚深思惟衆生心流注甚深  
思惟衆生如光影甚深思惟衆生名號  
甚深思惟衆生言說甚深思惟莊嚴法  
界甚深思惟種植業行甚深思惟業莊  
飾世間甚深漸次遊行至三眼國於城  
邑聚落村隣市肆川原山谷一切諸處  
周徧求覓善見比丘見在林中經行往  
返壯年美貌端正可喜其髮紺青右旋  
不亂頂有肉髻皮膚金色頸文三道額  
廣平正眼目脩廣如青蓮華脣口丹潔  
如頻婆果寶標七字七處平滿其臂纏  
長其指綱缦手足掌中有金剛輪其身

殊妙如淨居天上下端直如尼拘陀樹  
諸相隨好悉皆圓滿如雪山王種種嚴  
飾目視不瞬圓光一尋智慧廣博猶如  
大海於諸境界心無所動若沉若舉若  
智非智動轉戲論一切皆息得佛所行  
平等境界大悲教化一切衆生心無暫  
捨爲欲利樂一切衆生爲欲開示如來  
法眼爲踐如來所行之道不遲不速審  
諦經行無量天龍夜叉乾闥婆阿脩羅  
迦樓羅緊那羅摩睺羅伽釋梵護世人  
與非人前後圍繞主方之神隨方迴轉  
引導其前足行諸神持寶蓮華以承其  
足無盡光神舒光破闇闇浮幢林神雨  
衆雜華不動藏地神現諸寶藏普光明  
虛空神莊嚴虛空成就德海神雨摩

尼寶無垢藏須弥山神頭頂禮敬曲躬  
合掌無礙力風神雨妙香華春和主夜  
神莊嚴其身舉體投地常覺主盡神執  
普照諸方摩尼幢住在虛空放大光明  
時善財童子詣比丘所頂礼其足曲躬  
合掌白言聖者我已先發阿耨多羅三  
藐三菩提心求菩薩行我聞聖者善能  
開示諸菩薩道願為我說菩薩云何學  
菩薩行云何修菩薩道善見答言善男子  
我年既少出家又近我此生中於三  
十八恒河沙佛所淨修梵行或有佛所  
一日一夜淨修梵行或有佛所半月一月  
一歲萬歲億歲那由他歲乃至不可說不  
可說歲或一小劫或半大劫或一大劫或

百大劫乃至不可說不可說大劫聽聞  
妙法受行其教莊嚴諸願入所證處淨  
修諸行滿足六種波羅蜜海亦見彼佛  
成道說法各各差別無有雜亂住持遺  
教乃至滅盡亦知彼佛本所興願以三  
昧願力嚴淨一切諸佛國土以入一切行  
三昧力淨修一切諸菩薩行以普賢乘  
出離力清淨一切佛波羅蜜又善男子  
我經行時一念中一切十方皆悉現前智  
慧清淨故一念中一切世界皆悉現前經  
過不可說不可說世界故一念中不可  
說不可說佛利皆悉嚴淨成就大願力  
故一念中不可說不可說衆生差別行  
皆悉現前滿足十力智故一念中不可  
說不可說諸佛清淨身皆悉現前成就

普賢行願力故一念中恭敬供養不可說不可說佛刹微塵數如來成就柔軟心供養如來願力故一念中領受不可說不可說如來法得證阿僧祇差別法住持法輪陀羅尼力故一念中不可說不可說菩薩行海皆悉現前得能淨一切行如因陀羅網願力故一念中不可說不可說諸三昧海皆悉現前得於一三昧門入一切三昧門皆令清淨願力故一念中不可說不可說諸根海皆悉現前得了知諸根際於一根中見一切根願力故一念中不可說不可說佛刹微塵數時皆悉現前得於一切時轉法輪衆生界盡法輪無盡願力故一念中不可說不可說一切三世海皆悉現前得了

知一切世界中一切三世分位智光明願力故善男子我唯知此菩薩隨順燈解脫門如諸菩薩摩訶薩如金剛燈於如來家真正受生具足成就不死命根常然智燈無有盡滅其身堅固不可沮壞現於如幻色相之身如緣起法無量差別隨衆生心各各示現形貌色相世無能壞者降伏一切諸魔外道其身妙好如真金山於天人中最爲殊特名稱廣大靡不聞知觀諸世間咸對目前演深法藏如海無盡放大光明普照十方若有見者必破一切障礙大山必拔一切不善根本必令種植廣大善根如是之人難可得見難可出世而我云何能知

能說彼功德行善男子於此南方有一國土名曰名聞於河渚中有一童子名自在主汝詣彼問菩薩云何學菩薩行修菩薩道時善財童子爲欲究竟菩薩勇猛清淨之行欲得菩薩大力光明欲修菩薩無勝無盡諸功德行欲滿菩薩堅固大願欲成菩薩廣大深心欲持菩薩無量勝行於菩薩法心無厭足願入一切菩薩功德欲常攝御一切衆生欲超生死稠林曠野於善知識常樂見聞承事供養無有厭倦頂礼其足繞無量布殷勤瞻仰辭退而去尔時善財童子受善見比丘教已憶念誦持思惟修習明了決定於彼法門而得悟入天龍夜叉乾闥婆衆前後圍繞向名聞國周

徧求覓自在童子時有天龍乾闥婆等於虛空中告善財言善男子今此童子在河渚上尔時善財即詣其所見此童子十千童子所共圍繞聚沙爲戲善財見已頂札其足繞無量帀合掌恭敬却住一面向言聖者我已先發阿耨多羅三藐三菩提心而未知菩薩云何學菩薩行云何修菩薩道願爲解說自在主言善男子我昔曾於文殊師利童子所修學書數筭印等法即得悟入一切工巧神通智法門善男子我因此法門故得知世間書數筭印界處等法亦能療治風癘消瘦鬼魅所著如是所有一切諸病亦能造立城邑聚落園林臺觀宮殿屋宅種種諸處亦善調鍊種種仙

藥亦善管理田農商估一切諸業取捨  
進退咸得其所又善別知衆生身相作  
善作惡當生善趣當生惡趣此人應得  
聲聞乘道此人應得緣覺乘道此人應得  
人一切智地如是等事皆悉能知亦今  
衆生學習此法增長決定究竟清淨善  
男子我亦能知菩薩筭法所謂一百洛  
叉爲一俱胝俱胝俱胝爲一阿庾多阿  
庾多阿庾多爲一那由他那由他那由  
他爲一頻婆羅頻婆羅頻婆羅爲一矜  
羯羅廣說乃至優鉢羅優鉢羅爲一波  
頭摩波頭摩波頭摩爲一僧祇僧祇僧  
祇爲一趣趣趣爲一喻喻喻爲一無數無  
數無數爲一無數轉無數轉無數轉爲  
一無量無量無量爲一無量轉無量轉

無量轉爲一無邊轉無邊爲一無邊  
轉無邊轉無邊轉爲一無等無等轉爲一無等  
爲一無等轉無等轉無等轉爲一不可  
數不可數不可數爲一不可數轉不可  
數轉不可數轉爲一不可稱不可稱不  
可稱爲一不可稱轉不可稱轉不可稱不  
轉爲一不可思不可思不可思爲一不  
可思轉不可思不可思轉爲一不可  
量不可思轉不可思不可思爲一不可  
量不可量不可量爲一不可量轉不可  
量轉不可量轉爲一不可說不可說不  
可說爲一不可說不可說此又不可說不  
可說爲一不可說不可說不可說轉善男子我  
以此菩薩筭法筭無量由旬廣大沙聚  
悉知其內顆粒多少亦能筭知東方所

有一切世界種種差別次第安住南北方四維上下亦復如是亦能算知十方所有一切世界廣狹大小及以名字其中所有一切劫名一切佛名一切法名一切衆生名一切業名一切菩薩名一切諦名皆悉了知善男子我唯知此一切巧大神通智光明法門如諸菩薩摩訶薩能知一切諸衆生數能知一切諸法品類數能知一切諸法差別數能知一切三世數能知一切衆生名數能知一切諸法名數能知一切諸如來數能知一切諸佛名數能知一切諸菩薩數能知一切菩薩名數而我何能說其功德示其所行道彰其大顯歎其妙行聞其諸度演其

清淨發其殊勝智慧光明善男子於此南方有一大城名曰海住有優婆夷名爲具足汝詣彼問菩薩云何學菩薩行修菩薩道時善財童子聞是語已舉身毛堅歡喜踊躍獲得希有信樂寶心成就廣大利衆生心悉能明見一切諸佛出興次第悉能通達甚深智慧清淨法輪於一切趣皆隨現身了知三世平等境界出生無盡功德大海放大智慧自在光明開三有城所有關鑰頂礼其足繞無量帀殷勤瞻仰辭退而去尔時善財童子觀察思惟善知識教猶如巨海受大雲雨無有厭足作是念言善知識教猶如春日生長一切善法根苗善知識教猶如滿月凡所照及皆使

清涼善知識教如夏雪山能除一切諸  
獸熱渴善知識教如芳池日能開一切  
善心蓮華善知識教如大寶洲種種  
法寶充滿其心善知識教如闍浮樹積  
集一切福智華果善知識教如大龍王  
於虛空中遊戲自在善知識教如須弥  
山無量善法三十三天於中止住善知  
識教猶如帝釋衆會圍繞無能映蔽能  
伏異道脩羅軍衆如是思惟漸次遊行  
至海住城處尋覓此優婆夷時彼衆  
人咸告之言善男子此優婆夷在此城  
中所住宅內善財聞已即詣其門合掌  
而立其宅廣博種種莊嚴衆寶垣牆  
周市圍繞四面皆有寶莊嚴門善財入  
已見優婆夷處於寶座盛年好色端

正可喜素服垂髮身無纓絡其身色  
相威德光明除佛菩薩餘無能及於其  
宅內數十億座超出人天一切所有皆  
是菩薩業力成就宅中無有衣服飲食  
及餘一切資生之物但於其前置一小  
器復有一萬童女圍繞威儀色相如天  
姝女妙寶嚴具莊飾其身言音美妙聞  
者喜悅常在左右親近瞻仰思惟觀察  
曲躬但首應其教命彼諸童女身出妙  
香普熏一切若有衆生遇斯香者皆不  
退轉無怒害心無怨結心無慳嫉心無  
詭詎心無險曲心無憎愛心無瞋恚心  
無下劣心無高慢心生平等心起大慈  
心發利益心住律儀心離貪求心聞其  
音者歡喜踊躍見其身者悉離貪染

余時善財既見具足優婆夷已頂礼其足恭敬圍繞合掌而立白言聖者我已先發阿耨多羅三藐三菩提心而未知菩薩云何學菩薩行云何修菩薩道我聞聖者善能誘誨願爲我說彼即告言善男子我得菩薩無盡福德藏解脫門能於如是一小器中隨諸衆生種種欲樂出生種種美味飲食悉令充滿假使百衆生千衆生百千衆生億衆生百億衆生千億衆生百千億那由他衆生乃至不可說不可說衆生假使閻浮提微塵數衆生一四天下微塵數衆生小千世界中千世界大千世界乃至不可說不可說佛刹微塵數衆生假使十方世界一切衆生隨其欲樂悉令充滿而莫飲

食無有窮盡亦不減少如飲食如是種種上味種種牀座種種衣服種種卧具種種車乘種種華種種鬢種種香種種塗香種種燒香種種末香種種珍寶種種瓔珞種種幢種種幡種種蓋種種上妙資生之具隨意所樂悉令充足又善男子假使東方一世界中聲聞獨覺食我食已皆證聲聞辟支佛果住最後身如一世界中如是百世界千世界百千世界億世界百億世界千億世界百千億世界百千億那由他世界閻浮提微塵數世界一四天下微塵數世界小千國土微塵數世界中千國土微塵數世界三千大千國土微塵數世界乃至不可說不可說佛刹微塵數世界中所有一

切聲聞獨覺食我食已皆證聲聞辟支  
佛果住最後身如於東方南西方四  
維上下亦復如是又善男子東方一世  
界乃至不可說不可說佛刹微塵數世  
界中所有一生所繫菩薩食我食已皆  
菩提樹下坐於道場降伏魔軍成阿耨  
多羅三藐三菩提如東方南西北方四  
維上下亦復如是善男子汝見我此十  
千童女眷屬以不答言已見優婆夷言  
善男子此十千童女而爲上首如是眷  
屬百萬阿僧祇皆悉與我同行同願同  
善根同出離道同清淨解同清淨念同  
清淨趣同無量覺同得諸根同廣大心  
同所行境同理同義同明了法同淨色  
相同無量力同最精進同正法音同隨

類音同清淨第一音同讚無量清淨功  
德同清淨業同清淨報同大慈周普救  
護一切同大悲周普成熟衆生同清淨  
身業隨緣集起今見者欣悅同清淨口  
業隨世語言宣布法化同往詣一切諸  
佛衆會道場同往詣一切佛刹供養諸  
佛同能現見一切法門同住菩薩清淨  
行地善男子是十千童女能於此器取  
上飲食一刹那頃徧至十方供養一切  
後身菩薩聲聞獨覺乃至徧及諸餓鬼  
趣皆令充足善男子此十千女以我此  
器能於天中充足天食乃至人中充足  
人食善男子且待須臾汝當自見說是  
語時善財則見無量衆生從四門入皆  
優婆夷本願所請既來集已敷座令坐

隨其所須給施飲食悉使充足告善財言善男子我唯知此無盡福德藏解脫門如諸菩薩摩訶薩一切功德猶如大海甚深無盡猶如虛空廣大無際如意滿衆生願如大聚落所求皆得如須弥山普集衆寶猶如興藏常貯法財猶如明燈破諸黑暗猶如高蓋普覆群生而我云何能知能說彼功德行善男子南方有城名曰大興彼有居士名曰明智汝詣彼問菩薩云何學菩薩行修菩薩道時善財童子頂礼其足繞無量匝瞻仰無厭辭退而去余時善財童子得無盡莊嚴福德藏解脫光明已思惟彼福德大海觀察彼福德虛空趣彼福德聚登彼福德山攝彼福德藏入彼福

德端遊彼福德池淨彼福德輪見彼福德藏入彼福德門行彼福德道修彼福德種漸次而行至大興城周徧推求明智長者於善知識心生渴仰以善知識熏習其心於善知識志欲堅固方便求見諸善知識心不退轉願得承事識善知識心無懈倦知由依止善知識故能滿衆善知由依止善知識故能生衆福知由依止善知識故能長衆行知由依止善知識故不由他教自能承事一切善友如是思惟時長其善根淨其深心增其根性益其德本加其大願廣其大悲近一切智具普賢道照明一切諸佛正法增長如來十力光明余時善財見彼居士在其城內市四衢道七寶臺上

處無數寶莊嚴之座其座妙好清淨摩尼以爲其身金剛帝青以爲其足寶繩交絡五百妙寶而爲校飾敷天寶衣建天幢幡張大寶納施大寶帳闔浮檀金以爲其蓋毗琉璃寶以爲其竿令人執持以覆其上鵝王羽翻清淨嚴潔以爲其扇熏衆妙香雨衆天華左右常奏五百樂音其音美妙過於天樂衆生聞者無不悅豫十千眷屬前後圍繞色相端嚴人所喜見天莊嚴具以爲嚴飾於天人中最勝無比悉已成就菩薩志欲皆與居士同昔善根侍立瞻對承其教命余時善財頂礼其足繞無量帀合掌而立白言聖者我爲利益一切衆生故爲令一切衆生出諸苦難故爲令一切衆

生究竟安樂故爲令一切衆生出生死海故爲令一切衆生住法寶洲故爲令一切衆生枯竭愛河故爲令一切衆生起大慈悲故爲令一切衆生捨離欲愛故爲令一切衆生渴仰佛智故爲令一切衆生出生死曠野故爲令一切衆生樂諸佛功德故爲令一切衆生出三界城故爲令一切衆生入一切智城故發阿耨多羅三藐三菩提心而未知菩薩云何學菩薩行云何修菩薩道能爲一切衆生作依止處長者告言善哉善哉善男子汝乃能發阿耨多羅三藐三菩提心善男子發阿耨多羅三藐三菩提心是人難得若能發心是人則能求菩薩行值遇善知識恒無厭足親近善知識恒無勞

倦供養善知識恒不疲懈給侍善知識  
不生憂感求覓善知識終不退轉愛念  
善知識終不放捨承事善知識無暫休  
息瞻仰善知識無時憩止行善知識教  
未曾怠惰稟善知識心無有誤失善男  
子汝見我此衆會人不善財答言唯然  
已見居士言善男子我已令其發阿耨  
多羅三藐三菩提心生如來家增長白  
法安住無量諸波羅密學佛十力離世  
間種住如來種棄生死輪轉正法輪滅  
三惡趣住正法趣如諸菩薩悉能救護  
一切衆生善男子我得隨意出生福德  
歲解脫門凡有所須悉滿其願所謂衣  
服纓絡馬車乘華香幢蓋飲食湯藥  
房舍屋宅牀座燈炬奴婢牛羊及諸侍

使如是一切資生之物諸有所須悉令充  
滿乃至爲說真實妙法善男子且待須  
臾汝當自見說是語時無量衆生從種  
種方所種種世界種種國土種種城邑  
形類各別愛欲不同皆以菩薩往昔願  
力其數無邊俱來集會各隨所欲而有  
求請爾時居士知衆普集須臾繫念仰  
視虛空如其所須悉從空下一切衆會普  
皆滿足然後復爲說種種法所謂爲得  
美食而充足者與說種種集福德行離  
貧窮行知足諸相好行增長成就難屈伏  
修習具足諸相好行增長成就無盡大威  
行善能了達無上食行成就無盡大威  
德力降魔怨行爲得好飲而充足者與  
其說法今於生死捨離愛著入佛法味

爲得種種諸上味者與其說法皆令獲得諸佛如來上味之相爲得車乘而充足者與其宣說種種法門皆令得載摩訶衍乘爲得衣服而充足者與其說法令得清淨慚愧之衣乃至如來清淨妙色如是一切靡不周贍然後悉爲如應說法既聞法已還歸本處余時居士爲善財童子示現菩薩不可思議解脫境界已告言善男子我唯知此隨意出生福德藏解脫門如諸菩薩摩訶薩成就寶手偏覆一切十方國土以自在力普雨一切資生之具所謂兩種種色寶種種色瓔珞種種色寶冠種種色衣服種種香種種色燒香種種色寶蓋種種色幢

幡偏滿一切衆生住處及諸如來衆會道場或以成熟一切衆生或以供養一切諸佛而我云何能知能說彼諸功德自在神力善男子於此南方有一大城名師子宮彼有長者名法寶髻汝可往問菩薩云何學菩薩行修菩薩道時善財童子歡喜踊躍恭敬尊重如弟子禮作如是念由此居士護念於我今我得見一切智道不斷愛念善知識見不壞尊重善知識心常能隨順善知識教決定深信善知識語恒發殊心事善知識頂礼其足繞無量帀殷勤瞻仰辭退而去